

江西通志稿

第五四册

江西通志稿

卷一百一十五

軍山廟碑

曾肇

禮山林川谷邱陵能出雲為風雨見怪物皆曰神諸侯在其地則祭之又曰山林川谷卑於川邱陵卑於山苟有益於人皆蒙報禮夫崇高廣大拔出其類而能禦災興利為一邑一鄉之望者其受命天子享有廟食豈非稱哉軍山南豐之望也考其圖記其高十有九里餘二百步其上四峯崛起望之蒼然其旁飛瀑一瀉千尺其下龍穴投以鐵石雨輒隨注其產竹箭材章利及比壤縣固多大山而茲傑出見於百里之外其勢雄氣秀若蹲虎兕而翔鳳鸞宜其能出雲雨見怪物給民財用以為此邦之望也舊傳吳芮嘗攻南粵駐軍此山其將梅鋗祭焉禮成若有士騎麾甲之狀彌覆山上因號軍山邦人祀之蓋自茲始唐開元中復見靈跡迺大建祠宇承祀益虔其廟屋徙今在盱江之陽距縣七里者南唐昇元

三年之遺址也閩境祈禳有請輒應歷千餘年而封賁未加民以
為歎部使者請於朝久之不下元符三年六月丞相曾公布時知
樞密院事奏臣南豐人知軍山為部使者之言不誣願如其請詔
封神為嘉惠候廟曰靈應軍山廟命書下臨邦人動色相與嘉神
之功侈上之賜迺合財力廣其廟而新之廟成丞相屬其弟肇為
之記蓋南豐南城舊皆臨川屬邑南唐始分二縣置建武軍今號
建昌國初改也軍在大江極南而南豐又其窮處地迫兩粵然其
風氣和平無瘴氣厲毒之虞水土衍沃飛蝗不至故歲常順成而
凶饑之災少民寡求而易足故椎埋鼓鑄盜歛之奸眚諸其鄰有
弗為也自唐末喪亂中原五易姓而此邦恬然兵火莫及皇宋受
命休養生息百十年戶口蕃庶室家豐樂八聖德澤涵濡覆露亦
神之幽贊為福使然揆實正名既見宸寵宜有文字以垂無窮故

雲	號	符	天	保	牲	耄	食	揮	今	駭	為
屯	嘉	之	生	斯	嚼	倪	勸	鏹	野	令	書
霍	禾	盜	萬	宮	鹽	神	酌	鍾	無	叔	本
然	舊	而	物	分	豐	所	銷	鍾	蠢	徂	末
霧	俗	後	春	令	分	壽	念	風	蟪	于	且
散	鴻	國	陽	君	吹	今	爭	雨	塘	田	綴
始	嫩	可	之	平	腎	神	今	聲	有	偕	以
然	變	為	華	冠	考	之	倪	分	水	婦	詩
拒	自	者	始	碑	鼓	惠	非	因	今	子	使
追	庚	此	本	楊	聲	我	神	倉	既	今	邦
終	寅	亦	於	公	逢	維	助	露	耕	既	人
焉	民	順	隕	名	逢	其	歲	積	且	新	春
讎	習	天	霜	休	今	舊	莫	如	藝	且	秋
殺	爭	時	肅	立	我	今	登	坻	耘	且	歌
官	戰	以	殺	字	民	上	今	京	且	紆	以
不	東	正	之	山	薦	之	我	今	今	今	祀
憂	莊	入	時	公	戲	報	有	遺	我	一	焉
民	八	事	以	名	無	神	室	東	苞	歲	詩
不	耆	之	此	休	終	亦	家	滯	盈	之	曰
憂	首	所	見	立	窮	云	神	稔	今	功	土
法	結	急	不	名	分	厚	所	富	我	在	膏
孰	關	先	得	公	千	今	佑	鰥	實	勤	起
培	社	南	不	名	秋	醺	今	號	成	始	分
妖	翁	豐	政	名	萬	酒	我	分	今	泉	
	然	色	崔	名	歲	刑	有	飲			

茅孰使滋蔓數十年閩山峒險出沒依據叛服靡常衝突縣郭然
後稍用周官禁覩之典僅獲首惡耻以明刑貸其餘孽額額罔
暨戎辰昏墊之後為富者開廩以困飢民貧巧者崇姦以徼上賞
東莊作善肘腋繼變蠢蠢然赤子弄兵如入無人之境破村破縣
燒民居掠民財晝攻夜劫東起西應避地者歸未一炊奔塞閭巷
當此時媒變者反先勇爵利姦賊既免租又佚罰而邑井之號
扶老挾幼不相保存者日千萬數孰胎此冤使至此極前邑大夫
例以牽制不獲展布去官後無敢試湯鑊識者謂更三日民無統
紀具耳目者悉佩刀劍為戎首矣部使者念秋官職凡殺人者肆
於市三日今寇劫無忌乃至於此於是訪英豪材能勝任者以佐
王刑邦國在官合詞舉今楊侯前在石城籌嘉績茂隄防井井中
外帖安非侯不足以銷劇變部使者亟檄以行侯承命即犯雪霜

自顛疾馳七百餘里不旬決到縣出條教屬甲兵嚴保禁調軍餉
宣德意示官刑一指呼問無不整辦取夜劫者膊諸達道以先民
急兇儔膽破惕惕然惟恐有惡名姓為侯所知者獨東莊怙終殺
寨兵殺騎將拔馬不思順活逆死侯曰此寇不殺吾民不蘇即自
統軍戎服鞭弭徑空寇穴盡醜類乃行飲至之禮臺府上功邑民
歌最芳兮矢兮脯豹豕兮釜兮鬲兮飯黍麥兮昔民狡昏今識卑
尊昔民愁苦今識歌舞惟侯春融協我民於中惟侯秋迴醒我民
於病昔夫子所謂暮月而已可者於今侯尤信雖然侯讀古書行
古道所以回古民風易如反掌即此規模何施不可燕秦隴蜀草
莽春秋江漢襄淮風火夜且文武吉甫之舊舍今侯正將焉往吁
平寇者平戎之機平戎者又平天下之機顧此一邑豈足以盡今
侯之遠圖余髮種種余心拳拳尚克期見

李參政平寇碑

劉壘

大元運神武以制六合任仁賢以福諸道江南既平閱十有七載
南北一家煙火萬里海澱藏靜風恬日熙彼有負險阻萃淵藪噴
呼萑苻或一二見不旋踵而巖巖以平繫黜以安由皇威丕暢遐
邇率服厥亦惟蕃宣得人綏靖有方式克至於今日休至元二十
有五年奮寇鍾明亮起臨汀擁眾十萬聲搖數郡江閩廣交病焉
猱捷豕突草蓼本枯血肉填谿谷子女充巢穴有旨進討輒僞降
以疑我師明年邱元起廣昌與明亮犄角瀾漫浸淫遂及我豐豐
民素弗貳顧力不克拒則有被脅而從焉者勢張甚又明年春賊
大至陳河田陳九陂又陳小萊鏖交鯨熾勢益張遂犯州州南門
實瞰江賊乘橋攻門是時諸軍甫集出營黃原城戍單弱藩垣蕩
平事且急乃斷橋以拒之守兵飛矢露刃市民擲瓦投石適雨暴

江漲賊阻深引退既退勢猶張焚戮村落無虛日州惟閉關自保
雲沈雨淒官民喘危老穉悲感救我者誰一日陰霾盡開天宇微
霽則參政李公來既令新和氣回軍聲壯風采肅乃啟城關乃發
倉粟乃寬刑辟乃緩高征政有便民者罔弗舉民始有生意賊亦
望風鳥獸散於是責官吏以招來分師旅以討捕悔過宥之負固
誅之州境畢清則率諸將擣邱元之巢殲其渠離其黨經輯其流
亡振振還州州人香旗歡迎感極且泣曰生我者父母全我者參
政也自邱元敗而明亮孤不數日賊悉平嗚呼公之功偉矣公端
人也其本如春其清如水其誅賞公平如權衡其在軍中手不釋
卷雖羽檄紛馳猶崇學校修祭禮非其本領正識慮明曷克若是
昔公先大師武愍公求救盱眙民嘗刻碑府門今豐之危視盱彌
甚而公之德視武愍有尤焉是宜碑顧碑亦未足以彰公之德也

陵谷遷易此德不磨日月晦冥此德不掩肉腐而骨骨朽而土此
德不忘屹兩碑其相輝垂千載而有永姑借是以寄邦人之思公
名世安號龍川家世河西徙居燕為江西等處行中書省參知政
事有年矣勲名著聞新舊特旨因任云領之以詩曰維元受命誕
揚厥武有偉混一卓越曠古東洋西崐北漠南溟星拱雲從時敢
弗庭蠹彼汀畚乃作疥癬蚘撼不量虺毒肆吮暴骨成邱流血成
川浸淫盱眙豐鬻積兵連寇環於疆孤城岌岌幕燕釜魚孰紆其急
德人惠來遂活吾豐其人謂誰參政李公威惠翕乎謀斷兼足國
手雍容立整敗局昔公未來民與死期公既來止和氣春熙昔公
未來嘯喧篁竹公既來止妖氛夜肅功成而東丹載月明父老太
息孰如公清公恩弗替人思弗已紀德於碑名父名子軍峯峻極
盱水深長我士我民千載靡忘

南豐縣銘功之碑

永新尹臺

南豐縣隸建昌郡東南境自昔稱江右壯邑乃其壤地則負閩廣
衆山之險會堪巖穹谷上造雲天幽箐旁入無際以是三省姦游
往往聚群黨嘯伏其中或時寇攘四出則必指南豐為嚮往故在
成化正德間其邑遭毒剝屢焉頃歲二省既更被寇患禁徒因乘
隙矯虔為難是時南豐之境方晏如民未有以為戒者丁巳冬謀
傳猝至遠近蕩駭城中外人爭逃匿長吏憤憤莫知為計進士臨
川令林侯若雨適奉臺牒有事其邑既竣將還轅色縉紳先生暨
士若民睹變私籌議侯信蹕學才遇事能提出奇智茲不可攀擁
為一邑障邪然懼侯事任無相反脫辭其曷遂遞留計侯聞之魔
然起曰果哉事且迫矣吾即不能為若邑障其忍視吾君之城社
燕庶播越哉雖然事集於上下之信而信成於令行之無抑撓吾

以身徇若邑諸君必或信之矣抑能許吾令之不終撓行矣乎皆
應曰諾不敢負公以自貶隕滅於是侯下令民有臨城不死守謀
潛逸者殺無貸布令而逸不復其舍者沒若產為士餉於是民皆
爭乘城誓死守諸先逸者相次復舍侯乃料城中丁壯暨若招募
之眾計陣廣狹步可立守士一人士五為伍伍有長伍倍為甲甲
有總凡長與總各從其隊將樹幟立表俾相使若臂指簡其驍健
熟技擊者充游兵執麾巡徼無敢亂犯者以軍律徇盡整旗鼓夜
多燎炬備鉤衝以禦非常節烟礮以齊眾志部署既定上下咸一
志惟侯之令行矣乃十二月辛巳賊舉眾三千人薄城侯升高臨
望目士之外視者無一不懷死鬥心曰士壯若此賊安足平乎俄
有報賊徒三瞰高寨旗先登城外卒立殲之趣持其馘以獻守士
因占賊易與氣益倍頃之賊蜂合攻城鑿門旁闖斃石潰守者穴

其土燬鐵汁投燁之稍遜侯乃亟繼死士下縱焚逼賊遂大却明日賊愈治攻城具燔城外民廬火延麗譙人且亂侯隨方救禦士眾殊死從敵竟無恙又明日賊分徙五道並進攻勢甚蹙侯麾士奮格召獵夫張毒弩殪其渠立仆餘黨悉披靡人去來相犄角無不一當十者比夜侯使眾襲斫其營奪大旗攻械以歸眾目中蓋無賊矣甲申賊急造雲車飛梯引以臨城呼號出角抵蒙鬼物怪獸狀惕眾侯顧笑曰賊技何大窮耶且車高臨塗其引動易顛折第嚴備待之耳乃相陣要害各設石棚木棚伏兵械其中計賊附梯攀城即併力鉤掣橫斫之示士以必勝計少間賊車果自敗守者鼓噪相詬詬賊環怒氣沮計莫知所從出己酉乃詭憩祈免實畏隨擊之尾其後也侯私度不教之民不可令追賊許赦以勿死縱之歸於是賊黨密相戒胡虞茲邑乃能力蔽扞不惟懼其苦所

聞傳若是蓋自後無敢犯南豐矣於是邑父老咸焚香泣拜曰侯
誠生我生我願借履鎮邑中所在立祠報侯德侯竟固遜不之許
久之有監司至乃令民立侯位名宦祠中用慰誦思不忘距今既
八年矣其邑太學生李良翰始來都述豐人意以狀謁予文載之
碑曰侯功德在我邑宜百世俎豆之茲小大方朝夕致祝禱不有
名文饒暨珉其曷用垂永久余曰吾聞古畏壘之民事庚桑則嘗
尸祝之於其存焉在法不有能禦大菑扞大患應祀典者乎林侯
之於南豐既合矣余辱隸太史銘功示後固職也遂不辭李生請
特叙侯事撮其概并系之銘侯名潤若雨字閩之莆田人余丙辰
南宮所校士今任南監察御史風裁嶽嶽振一時人才大倚其施
用銘曰建昌東維南豐肇邑山水紆盤人文秀蔚在宋多賢樹休
揚勩肆我明興殿問豈堅士修行業民勸乃穡負邦厯紀孰蹈反

側在歲丁巳流寇奄熾擾我襄畔驚我市肆突眾三千薄墉以塞
集若虢虎踞怒奔前侯侯林侯萬夫之望輟車在邑既戒攸行訊
冠棘詎怒焉心忡弭節環旆竟奏膚功儒衣秉麾召眾登陴委蛇
言笑坐奮厥師從我國良覲其兇猖化厲使搏毆懦俾襄豐人日
嗟賊來還囁微我林侯室家其獲豐人曰嗟有城敢晚微我林侯
紛竄若遺繹繹既共我令訖同允鑠眾志亶堅孰攻礪厥公矛劍
楯森周賊來沸塘觀我悔謀顯允林侯相世鮮儼天活我民俾侯
卒事民誦其德士述其功匪侯在邑孰完我宮額額之城既鑄既
扁孰遺乃壯侯猷是經侯去其邑豐人式思尸祝載祀報衍無期
太史譔銘俾琢貞石篆告休聞永勒無極嘉靖甲子九月望日

程山堂碑記

南昌彭士望

自有天地來高山大川之待名於人蓋不知其幾矣就其著者而

論焦山巖灘之節槩浣花林慮之羈窮赤壁淝水峴山之勲業政
事蘭亭香山西園之文采風流朋從宴集其人固皎皎拔俗當時
或自為或他人為之詩歌叙記今後之人覽之儼然若身遇之歷
千百年猶未墜彼其聲施後世雖蕩析而不磨者果何物也吾南
昌歷漢而宋僅傳梅尉嶺徐孺子磨境處蘇雲卿園要皆下吏老
僮名反出諸侯王上今其地雖鞠為茂草荒煙故老往往猶能指
及南豐則曾子固居書巖以文章顯於宋繼此落落未少概見則
是山川之待人以名者不又其難矣哉謝子約齋生子固之鄉方
壯歲即灑脫世故捐制舉藝獨有志聖賢之道為之二十有二年
曉夜孜孜罔敢間晚乃得程山居之與其徒封濬黃熙甘京諸子
篤躬行修古禮盡所為宵必書之考業計過會朔望面相質訂
老友時過從辨晰疑義諸子中或顯達宗聞望出入循循里中人

不問而知為程山弟子程山居城西偏石圖砥可坐數百許人在
獨孤及彈琴馬退石之左林塘幽闌修竹翳如堂三楹館室亭榭
凡數處濬京與師嘗授徒其內吾易堂諸子每過必出所撰著述
近日行事譜貫連日夜互為規益星渚宋未有曾一至居旬日歎
為生平僅事四方遠近之遊而過之者殆無不知程山有謝子之
學予由是以思大地凡九萬里其間帝王將相所戰伐攻取攘而
得之久或數百十年或數年革命代興薄海內外視勝國若蛻遺
奉其正朔國號政令無敢異其名人鉅公偶一據蟬蛸蟻子之地
彈其技能才慧相相然自為得思以易天下而傳後世俯仰陳迹
或亦未免為人所訾整乃若魯鄒泗嶧濂溪考亭象山百原九巖
龍場石蓮洞之區果何人居之帝王有所不能奪天地有所不能
私名之今古無有窮極是必其獨居衾卧對妻子顧影形表裏瑩